



AUSTRHEIM KOMMUNE

RETNINGSLINJER

FOR

AUSTRHEIM UNGDOMSRÅD

Gjeldande frå 2021



§ 1 FØREMÅL OG MYNDE

Kvar kommune skal opprette eit ungdomsråd eller anna medverknadsorgan for ungdom, dette kravet følgjer av kommuneloven § 5-12.

Austrheim ungdomsråd skal fremje ungdommen sine interesser og tale deira sak i Austrheim kommune.

Austrheim ungdomsråd skal vera eit kontakt- og interesseorgan der ungdom i kommunen kan drøfta saker som vedkjem dei, og få høve til påverknad og medverknad i kommunale saker. Arbeidet i ungdomsrådet skal øva barn og unge i demokratiske arbeidsformer, gi høve til auka samfunnsengasjement og fremja gode oppvekstvilkår i kommunen.

§ 2 ARBEIDSOMRÅDET

Ungdomsrådet har rett til å møta med 2 representantar (leiar, nestleiar eller den / dei rådet peikar ut) i dei politiske styringsorgana i Austrheim (kommunestyre, formannskap, andre aktuelle råd og komitear). Gjennom denne møteretten skal Austrheim ungdomsråd gje politikarane i Austrheim kommune råd om handsaminga av saker som vedkjem barn og unge. Ungdomsrådet kan også ta opp saker det sjølv meiner er viktige for ungdommane i Austrheim. Representantane kan gjevast talerett i dei organ det er avgjort.

Rådet er underlagt kommunestyret v/ordføraren og kommuneadministrasjonen v/kommunedirektøren i høve til organisering, drift og økonomi.

Representantane frå ungdomsrådet får tilsendt sakspapira til møta i dei styringsorgana der dei har rett til å møta.

Rådet er fast høyringsinstans i saker som skal ut på høyring.

Uttalar frå ungdomsrådet i saker som er til handsaming i kommunale organ, skal følgja saksdokumenta som vedlegg i den vidare handsaminga heilt fram til endeleg vedtak vert gjort.

§ 3 SAMANSETJING AV RÅDET

Ungdomsrådet skal vera samansett av ungdom i alderen **12 til 18 år**. Rådet skal ha minst 40 % (3 representantar) av kvart kjønn.

Val til Austrheim ungdomsråd er slik:

- **1 representant + 1 vara frå kvar klasse på ungdomskulen.**
- **2 representantar + 2 personlege vara frå Austrheim vidaregåande skule.**

Ungdomsrådet si funksjonstid følgjer skuleåret og vala skal vera avvikla innan 15. september kvart år. Valperioden er 2 år for alle.



Det nye rådet trer i funksjon så snart det er formelt vald av kommunestyret (kommuneloven § 7-1). Dette bør skje i løpet av oktober måned.

Ungdomsrådet konstituerer seg på første rådsmøte. Rådet vel sjølv leiar og nestleiar blant medlemmane i rådet, og fordeler andre aktuelle roller. Ungdomsrådet får ansvar for val av representantar til Ungdommens fylkesting.

Dersom nokon går ut som representant i rådet i løpet av valperioden, rykker vararepresentanten inn i rådet. Det skal då veljast ny vararepresentant for resten av valperioden. Går ein vararepresentant ut, skal det veljast ny vararepresentant.

§ 4 ORGANISERING OG MØTEVERKSEMD

Ungdomsrådet skal ha minst eit møte kvar måned (oktober- mai).

Møta er opne for publikum. Det bør utarbeidast ein fast møteplan for rådet for eit ½ år om gongen, gjerne i tilknytning til kommunestyremøta.

Vedtak skal gjerast i møte, og minst 3 representantar / ev. møtande vararepresentantar må vera tilstades for at rådet skal kunna gjera vedtak.

Vararepresentantane skal få innkallinga og sakspapira til møta i rådet, og kan møta på rådsmøta med tale- og forslagsrett, men har ikkje røysterett utan at vedkomande møter i staden for den faste representanten han / ho er vararepresentant for.

Innkalling og sakspapir til møta skal sendast ut seinast 8 dagar på førehand.

Når det gjeld store saker som påverkar ungdommane sin kvardag vil ungdomsrådet gå i dialog med elevråda i Austrheim og få innspel frå dei. Elevråda kan likevel ikkje binda medlemer i ungdomsrådet i samband med handsaminga av rådet.

Det skal førast møtebok frå ungdomsrådet sine møte.

Rådet kan invitera politikarar og representantar frå kommuneadministrasjonen til møta i rådet for å få orientering, stilla spørsmål eller drøfta ei sak.

Møta i rådet skal leggjast til etter skuletid og leggjast til Ungdommens hus dersom ikkje anna vert avgjort.

Leiar og nestleiar førebur og legg fram saker som skal til handsaming i rådet.



Kvart år i løpet av hausthalvåret skal det vera eit kontaktmøte mellom ungdomsrådet og den politiske og administrative leiinga i kommunen (formannskap, kommunedirektøren si leiargruppe og kommunen sin barne- og ungdomsrepresentant).

Møtet skal førebuast og leggjast opp av arbeidsutvalet i rådet, ordførar og kommunedirektøren. Desse sender i fellesskap ut innkalling til møtet.

Møtet bør haldast før kommunestyret si budsjetthandsaming.

Kontaktmøtet skal drøfta saker av felles interesse, men skal ikkje gjera bindande vedtak i dei sakene som vert drøfta.

Ungdomsrådet vel sjølv den arbeidsforma rådet ønskjer. Rådet kan skipa til arrangement dei finn tenleg og lagar ein årsplan.

Det skal utarbeidast møtereglement for ungdomsrådet. Rådet godkjenner reglementet.

§ 5 ADMINISTRASJON OG ØKONOMI

Kommunen skal halda tilfredsstillande sekretariatshjelp for rådet.

(forskrift om medvirkningsordninger § 3). Rådet får tenester frå sekretariatet på lik linje med kommunale styringsorgan. Kommunedirektøren organiserer og legg til rette sekretariatsfunksjonen.

Kommunen stiller kontorplass til rådvelde for rådet.

Medlemmane i ungdomsrådet får betalt for møter.

Rådet får eigne midlar til rådvelde etter løyving / vedtak i kommunestyret.

Ungdomsrådet sitt budsjett skal innarbeidast i kommunebudsjettet og synleggjerast som eigen post.

Ungdomsrådet utarbeidar eige budsjett for midlane dei er tildelt. Budsjettet vert lagt fram til formannskapet til orientering.

§ 6 SKULERING

Det skal årleg gjennomførast ei skulering av representantar og vararepresentantar i ungdomsrådet.

§ 7 INHABILITET / UGILDSKAP

Den som er inhabil/ugild i ei sak, skal ikkje vera med å drøfta eller avgjera saka. (Jfr. habilitetsreglane i Forv.lov.)

§ 8 ENDRING

Ungdomsrådet kan kome med framlegg om å endra retningslinene for rådet.

Framlegg om endring skal fremjast for kommunestyret som gjer vedtak.

Kommunestyret kan og komme med framlegg om å endra retningslinene for ungdomsrådet. Før vedtak vert gjort, skal rådet ha kome med uttale til endringsframlegget.